

特別  
ル 5  
3537  
34



YR3C  
48

特

門 5  
號 3537  
卷 34

重修揚州府志卷之五十三

人物志八

隱逸 流寓

吳

劉穎廣陵人精學家巷權聞徵之以疾不就權知其詐

病急驛收錄還謝得免罪

見三國五十一  
三嚴峻傳

案舊志隱逸傳首列漁丈人左傳稱伍尚令伍員奔

吳員即如吳言伐楚之利於州子當時員在棠邑即

今六合由棠至吳極便謂儀真胥浦乃員渡江處似

也然考史記吳越春秋則稱員奔宋奔鄭又由鄭之

吳據此則不必復經楚地亦無庸從揚州渡江況吳



越春秋但稱江上未嘗明指揚州宋史以松江漁人  
入隱逸傳識者且笑之矣今刪

晉

韓績字興齊廣陵人父建仕吳至大鴻臚績少好文學  
以潛退爲操布衣蔬食不交當世由是東土並宗敬焉  
司徒王道聞其名辟以爲掾不就咸康末會稽內史孔  
愉上疏薦之詔以安車束帛徵之尚書令諸葛恢奏績  
名望猶輕未宜備禮於是召拜博士稱老病不起卒於

家

晉書六  
十四

唐

李孝感江都人博學好古雅修彭聃之道尤以慎篤著  
於鄉里考行議德諡曰正隱先生

金薤  
琳琅

宋

孔旻淮南人隱居篤行終身不仕美節甚高嘗有竊其  
園中竹旻愍其涉水冰寒爲架一小橋渡之推此則其

愛人可知

夢溪  
筆談

王伯起字興公海陵人父綸爲太常博士伯起當以恩  
得官遜其弟舉進士不中嘆曰士不自重與千百人旅  
進坐軒廡下獻小藝規合有司可恥也與其冒恥以得  
祿寧貧賤而肆志焉於是閉門靜處踰二十年鄉人多

不識面善詩歌獨得深造部使者薦諸朝不起仁宗英宗兩賜粟帛如皋王覲誌其墓曰先生不有其道而道信於友朋不尸其名而名聞於朝廷與夫懷印曳綬乘肥衣輕自以爲得意而死之日民無稱焉者異矣

嘉靖志

王令字逢原祖居魏之元城叔祖父乙居廣陵令幼育於乙遂爲廣陵人年十數歲晝從羣兒嬉夜讀誦書往往達旦不眠未嘗從師爲辭章卽雄偉老成稍長侷儻不羈束周鄉里之急爲不義者面加毀折無所避人皆畏而服之里人滿執中謹厚人也一日責令所爲非是令因自悔更閉門讀書久之所得益闕深乃作竹賦以自廣其姊寡居貧無以自存乃聚徒天長教其孤兒如己子已而積薪之中得芝一葉著藏芝賦王安石赴召道由淮南令賦南山之田詩安石見之期其才可與共功業於天下因妻以其夫人之女弟旣而徙高郵太守邵某延請主學令辭不獲已彊應之尋亦辭去邵爲部使者以其節行聞於朝廷不報令旣喜退隱思江南山水之勝乃居潤賦江上山中之詞居頃之熟於潤之山川道里著遊山記以寓其意居無何以江陰幽僻乃遷江陰江陰地下濕苦足疾後居常州而終婦吳歸令一年而寡歸廣陵治田桑布素以待盡其趨操議論說者

謂宜為令婦也著有王令集二十卷廣陵文集六卷論

語注十卷孟子講義五卷見宋劉發廣陵先生傳暨宋史藝文志 墨莊漫錄云逢

原嘗有暑熱思風詩云力卷雨來無歲早盡驅雲去放天高王介甫嘆曰有致君澤民之志惜乎不振也逢原一日與王平甫數人登蔣山相與賦詩而逢原先成平甫未屈至聞仰躋蒼厓顛下視白日徂夜半身在高若騎箕尾居乃歎曰此天上語非我曹所及遂閣筆

傅集真州人以行義文學為鄉里推重徽宗時勅舉八

行刺史郡守以集應詔屢勸就道集堅臥不起萬麻志

卜大亨字嘉甫泰州人由鄉舉入太學升舍有聲靖康

中攜二子走行在丞相范宗尹以遺逸薦調懷寧縣簿

紹興中隱居象山之錢唐村手植萬松行吟其間自號

松隱居士好讀左氏傳及史記杜少陵詩素習養生導

引術醫藥占算尤極其妙解衣推食賑卹飢寒手製藥

餌惠利甚溥子園字子車亦有聲太學號卜夫子紹興

三十年第授揚州倅浙江通志

元

成廷珪字原常隱居廣陵養母甚謹因不出求仕其所

與遊多至尊顯亦莫有薦用之者四方士過淮東或久

留或即去必以廷珪為之倚廷珪周旋款洽曲盡其意

好讀書尤工於詩有居竹軒集危素說學齋集

高椿江都人元季避地蘇州張士誠據吳郡遣幣聘之

椿峻拒不就歸隱興化

康熙志

明

王貞字以道江都人元末避地吳下張士誠授以德清教諭堅辭不受洪武初歸鄉里葺茅舍以居

嘉靖志

楊寅江都人府學生永樂初召書令字旗高丈餘一揮稱旨賜金帛鞍馬命署泰州辭不拜後徵入京避地山西十年乃歸作詩言志云洪武仁風萬國柔書生不厭敝貂裘半天雲氣不成雨滿目波光都是秋時盛漫勞思共濟才疎焉敢望封侯放歌古調歸來晚江上無人

月一鈎

康熙志

朱瓘字楚琦寶應人通尚書周禮爲詩體韻道逸棄舉子業與邑人周安施琳偕隱景泰時有詔舉賢良邑令朱瑗白巡撫都御史王竑薦瓘瓘辭竑遺以粟帛會修天順實錄其事之在郡縣者詔郡縣編葺上之館閣有司持幣走其廬瓘辭有司強之出爲定凡例謹書法一時紀載皆出其手既歸蓄雙鶴自隨顏其亭曰馴鶴日鼓琴其中鄉人稱琴鶴先生入市以大笠覆首又稱圓笠先生安字邦泰結廬東谿瓘卒託孤於安安教育如己子琳字汝琛自稱林塘逸叟皆工詩

寶應縣志

陸彌望字道參興化人性嗜學不妄言笑取予不苟足

不履城市縣令餽炭以詩卻之

興化舊志

吳禮字中節寶應人奉母祁以孝聞宏治十四年歲貢生授州判辭歸終養母卒不復仕時年四十餘結廬蓼花莊著有蓼莊吟稿又有周朝者字光卿嘉靖九年歲貢生絕意仕進杜門獨坐足不涉街市者數十年

寶應舊志

吳纘姬字璣灘泰州人其先以戌籍家登州纘姬中崇禎三年鄉試山東亂挾弓矢持稍護親出重圍歸泰州流離奉親不缺甘旨之養親歿嘉遯不仕甘老邱園人

咸高之

秦州舊志

吳敏道字曰南寶應人萬曆三年歲貢雖老於諸生而才名藉甚王世貞序其詩比於朱參政應登父子且兼有其長既不遇築歸隱草堂與劉教諭夏孟觴詠自娛號南華山人其時官淮揚間諸長吏多折節下交邑令耿隨龍尤敬禮敏道良辰載酒登松岡或泛舟湖上必與俱又數數過草堂敏道終無所干請鄰人某有罪將鬻女以贖敏道不忍出所有粟三十斛與之隨龍聞而曲貸其罪女得不鬻敏道爲人孝謹與人交循循自下無文人睥睨態一時鄉先生行狀邑有大興除及賢公卿建祠勒碑紀載之文多出敏道手邑之名勝園林野老逸事亦於憑弔贈答諸詩有考焉嘗剖股愈父疾館



郡守署中憶母製三湖曲鵲飛曲其辭為人傳誦又讓

田於弟弟鬻去為更治云夏孟字化光官潛山教諭

應寶其人函百金謝力却之其人構亭徵詩名却金亭

趙潔字宗瑩興化人素履端方淡於仕進晚構一樓臨

水際與楊侍郎果及知交倘佯其間果以恬菴號之有

司請賓於鄉二十八次亦僅事也

興化舊志

王醇字先民揚州人生而早慧讀書如夙識弱冠善辭

賦從季父遊長安日醉市樓人求識面不可得會麻大

將軍大閱將士醇輕裘快馬馳突演武場引弓破的矢

矢相屬掣雙劍飛舞霎忽如崩雪大將軍降階執手欲

舉以冠一軍醇笑謝家本書生聊用遊戲耳父母命之

室以羸病辭為兩弟納室徧遊吳越佳山水日參內典

歸廣陵之慈雲菴顏其室曰寶蕊棲自知時至結跏趺

坐而終

甘泉縣志

陸西星字長庚興化人生穎異才識宏博於書無所不

窺爛文詞兼工書畫為諸生名最噪試不售遂棄儒服

冠黃冠為方外之遊數遇異人受真訣乃纂述仙釋書

數十種所注莊子尤盛行於世

興化縣志

張奇字正甫江都人初學制舉入郡學久不屑意學詩

畫皆工家貧性閑而傲中年喜天官象數論兵家者言

明季僑居江寧福王時馬阮輩竊權寵附者如靡多知  
奇名造焉皆不報曰吾烏用此貴人來也卒閉門以老  
一日謂家人曰吾以某月日時死自題其棺遂不食日  
飲白水至期果歿一老僕舉其尸如颶風時年七十四  
子引孫鏐鏐歸葬奇於邗溝之陽

百尺梧  
桐閣集

國朝

卓爾堪字子任一字鹿墟江都人嘗輯忠貞公忠節錄  
二卷善擊劍挽五石弓年未二十從李文襄公之芳南  
征閩逆爲右軍前鋒桃花嶺常山玉山並壓潮源口諸  
險之役爾堪摧堅陷戰身被數創猶居士卒之先從軍  
七年大功垂成聞母病卽乞歸時有謝翬者字爾翼本  
浙之會稽人順治二三年間浙東白頭兵起焚掠諸暨  
嵎縣翬年十九糾合鄉勇夜渡七沙河灘擊潰其衆明  
年

大

兵南下徵翬參振武軍事督武林諸道糧餉事竣議功  
授殊職翬辭不就浙閩總督姚啟聖進討臺灣迎翬贊  
畫澎湖旣克姚將上其功翬笑曰吾欲得官當督餉東  
南時早致富貴本欲故人成不世功故輕數千里而來  
故人知公公不知故人也遂遜蹟淮南入江都籍不與  
人間事惟日吟哦不絕口後日昏不能視命諸孫誦前

明一代詩據案而聽善草書著有尺牘鈔四十卷中朝疏稿二十卷甲乙新聞五卷病革戒子孫曰

**盛朝重遺老**他日吾墓道上書賜粟老人足矣卒年九十

三見李之芳近青堂詩集序暨改堂文鈔

樊明英字君培宋樊若水之後若水既從藝祖平南唐遂居儀真邑人名其地為樊家店其後移居郡城明季新設七省制府以內官楊顯名領之駐劄揚州明英以指揮官生入試中乙榜劄授七省制府標員請浚城濠築外隄繕廩困為鄉里保障顯名皆從之時流賊已躡鳳陽不敢窺揚境者明英之力也陞鳳陽鐵騎營分協壽州等處官至中都留守司都司僉書已而楊撤去等明英至京謁本兵陳新甲新甲奇之咨楚豫經略朱大典使鎮壽春再鎮舒城所向流賊披靡望其麾蓋呼為樊二郎來輒遁去崇禎十五年移鎮霍邱甫半日城陷降掘港營水師守備國變後年三十絕志仕宦角巾草服逍遙於花坪竹墅自號逸安老人垂五十三年人不知其為前將軍也子庶官湖廣安仁縣知縣經內府光祿寺署正大綱康熙三十三年進士經字書山有詩名

徐源逸安老人傳

陶澂字昭萬寶應布衣幼負異才殫心經史百家之學

崇禎末兵燹後棄舉子業專力攻詩儵然吟詠自適其  
性居無一事干人惟以硯田給妻子其所著詩多於舟  
車得之因名舟車集凡二十卷後集十卷集唐詩一卷  
康熙十七年舉博學宏詞辭不就時寶應以隱逸終者  
有朱璫湯廷頌璫字韞仲崇禎十五年舉人次年下第  
後不復赴公車以理學節義自勵最後仇璫者攻璫不  
得已會試至京師同試者以爲疑問曰先生出處何如  
璫出憶梅詩相示入場竟以墨塗卷而歸終身不仕廷  
頌字欽哉邑諸生未老棄去慕林和靖之爲人自號梅  
逋藝梅數十本蓄一鶴馴甚凡讀書飲酒對賓客入市  
井皆與鶴俱又有朱四輔字監師留心經濟有用世志  
平南王聞其名延致幕不久之知尚必叛辭歸人服其

智見喬萊舟車集序  
暨雍正寶應縣志

袁繼鳳字翰臣興化人明末避亂東村卜居先人墓側

竹木翳翳十餘畝屏絕人蹟所交者高士魯洞一僧鑑

菴釣舟吟鉢終老湖濱著有東湖草堂集新增

王巖字築夫寶應人居江都初爲諸生名天祐字平格  
及更今名遂絕志進取耑肆力古文詞醇樸類穆伯長  
柳仲塗尹師魯石守道諸家執經問字踵相接李推官  
念慈汪主事懋麟皆學文於巖巖爲人端巖動止語默

重刊州志 卷之五十三  
中程度事母以孝聞凡祀其先人致齋三日獨處於外  
時有選刻時人詩者介李沛索巖作巖答沛曰僕自廢  
退以來聲影刊落古之君子不得志於時既無由致主  
經國功德流天壤又無由發揮語言文字潤色治平光  
輝制作而徒託肥遯以自藏則夫汲汲以高蹈自見亦  
或可以不必也卽一嘯一咏聊自怡悅於山嵐水澤間  
亦不欲輕以示人若一二同心相與唱酬則我負子戴  
之言又無容遽聞於世古人身隱則名不可聞蓋爲是  
也時有孫無言者將歸隱黃山徧乞天下名人爲送行  
之文巖規之曰古之隱者入山惟恐不深其聲影幽墨  
惟恐人知卽其託跡所在未嘗使人識而名之蓋其人  
不以地名也而後世考其託跡之所知其嘗遊某山某  
水也乃地以人名矣巢父許由無意於箕潁者也遇其  
水可洗耳則洗之見其流可飲犢則飲之非擇而取之  
也吾願孫子息交遊遠名譽勿復徵送行之作而果於  
歸去使人莫測其歸也孫子乃庶乎真隱矣  
見明詩綜  
詩話暨異

香集

寶應縣志云巖著白田

詩文集四十卷異香集二卷

李沂字子化幼孤而事母孝補句容學生鼎革後遂謝  
去而隱於野與從兄沛訂詩社王文簡司理揚州聞沂  
名願一見不可得會行縣至輿化命駕訪於門沂固辭

不見王益以為重不强其見人兩賢之沂始作神仙論  
謂烏老獸老不死則妖人老不死亦妖耳乃晚年好仙  
聞山東李老人得仙術不遠千里跨一驢往尋之老人  
曰子與化李艾山耶子家有火警沂平日不輕去母側  
聞其言大驚即歸老人以幻術授沂謝曰某為道來非  
為術來也不受而歸果有火警而母無恙語人曰非老  
母沂不返矣然自是不遠遊母沒以水鄉久未葬沂不  
除服葬而後除時以為有禮與陸廷掄王巖為友陸住  
郭外不入城沂日就廷掄飲小樓上有鸞嘯堂集二卷  
沛字平子著有平菴詩集廷掄字懸圃與沂同邑深於

史著酩酊堂詩文集

人有雷士俊字伯鰲江都人隱居

艾湖為長洲宗伯

葬所推重卒祀鄉賢祠

見行狀 暨明詩

綜詩話 雍正志

葉彌廣字博之江都人貢入太學不樂仕進散服逍遙

娛情詩酒與強惟良阮玉鉉稱三高士康熙十二年纂

修通志郡縣聘彌廣任其事一日雪滿庭階欣然浮白

賦詩盤桓竟日忽與家人訣遂卒年七十五

見江都縣志 暨淮海

英靈集

黃雲字仙裳泰州人居姜堰鎮初受知於太守陳素素  
乏嗣被枉破家雲不避險難與之同遊汝寧竭力周旋

人以為難晚年愈貧苦屢辭聘名益肆力於詩歌東南持風雅者必宗焉時而曬網號漁人忽而海舶稱估客最後不儒不墨自號樵青著有樵青集又有桐引樓集

悠然堂稿

見感舊集暨春雨草堂集

魏衛字郭功儀真人精書法長於詩著有西陴類稿六卷詩境澄淡時以匹吳嘉紀然嘉紀稱揚於當事魏名不出白沙行吟江上與高僧逸士相往還有所作惟張抑高手自寫去說者謂陋軒詩朴勁有法少生新之意西陴詩鬱鬱古色如孤霞映日淡然塵表蓋其神識痕鑿絕纖俗塵不妄交當世顯者讀其詩知其夷然不屑

也同邑高懋賢字聖期嘗隱居寶應之蘆村以水患復

歸老益貧常二旬九食忍飢講易無憂悴之色生平不趨榮利不妄交遊唯與弟懋功閉門著書年九十一卒有椒馨草堂學易小刻並易經纂注若干卷抑高名弓先延安人占籍儀徵父以總戎鎮閩頗著戰功軍中稱為張飛虎弓落魄窮而工詩年八十卒

見雍正志儀徵續志暨淮海英

靈集

孫蘭字滋九江都人一名禦寇自號柳庭明季諸生從西洋人湯若望授麻法遂精通幾何原本之說著書八卷曰理氣象數辨疑糾謬又以中國土地在大園中才

八十一分之一不極推之則狃於習見習聞而無以盡其變作格理推事外方考證四論凡三十二篇善書於篆隸法講贊尤密撰字學若干卷隱居黃子湖之濱盡梅竹松菊有古人法度詩多唐音不入宋派年九十耳目聰察膚理融澤步於衢羣少年捷足不及之問何能曰吾以正心爲宗主八脈爲功候非世俗所謂引道說者壽終於家所著又有柳庭人紀四十卷

地隅說四卷卽蘭書

岳林文集案今所有與

王貴一字象山興化人明少參繼姜之子剛正負氣不隨人俯仰一切聲伎樛蒺之習惡之如讎孟津王鐸少

參門下士也居顯仕招之不往甲申後謝諸生業肆力

古文詞以隱終

康熙續志

顧鐸字覺斯江都人明末聞流賊李自成犯京師號哭數日不止築居江濱種梅數十株日吟咏其下終其身足不出戶自號遺叟云

康熙志

宗元豫字子發江都人明吏部主事名世之孫名世生萬化萬年萬邦萬國萬化生元豫萬年生觀萬邦生元鼎萬國生灝灝生之瑾之瑜萬化判潮州府卒於官元豫行萬里扶櫬歸資力已竭不能葬乃疏食不除服十年始得葬自是不求仕進隱於興化之師古潭兀坐一



樓寒暑旦夕誦讀不絕潭上居者不窺其面三年故相  
國吳姓亦居潭上多藏書元豫盡得讀之由是博覽習  
掌故期爲有用之學以貧返江都授徒自食晚年多病  
旅於京口遂歿著史論數十篇多前人所未發雜文數  
十卷別有識小錄錄二十一史中瑣事爲里人所傳元  
鼎字定九隱居江都之東原嗜梅故又號梅岑堦下有  
古梅一株時人謂之宗郎梅所居荒僻高亢不宜秔稻  
元鼎課老僕樹黍秣力耕而食慕杜五郎之爲人閒居  
不出柴門外或客至始一到門不則兀坐草堂而已舊  
居郡城西南隅其地多柳奉常龔孝升榜曰新柳堂旣  
隱於東原在郡城東數十里宜陵之南仍名其居爲新  
柳堂用以名集有新柳堂詩集數十卷堂後有芙蓉別  
業相傳爲謝安石舊址復植芙蓉數十本以爲讀書地  
因又有芙蓉集二十卷小香詞二卷元鼎詩主風調酷  
學才調集風華婉媚自成一家其自述曰余性不喜煩  
與人對終日卽病值勢利毀譽之場幾如溽暑置身於  
赤日下此其器宜沈淪於山林巖谷移家於窮鄉僻壤  
亦此意也之瑾字原度號響山又自號珠船漁隱著擬  
硯堂編年集十卷怡雲詞二卷之瑜字不揜別號懶臞  
不佞佛而茹素工詩畫元豫元鼎觀之瑾之瑜時稱廣

陵五宗觀別見

見各家文集

史以甲字子仁甘泉邵伯鎮人明按察副使啟元之子幼補郡諸生長乃絕意場屋隱居艾陵湖東之橋墅畊讀自怡足蹟不入城市天文地理方伎醫藥百氏之書無不究覽所輯文獻通考抄二十卷學圃隨筆十卷句股籌算捷法二卷傷寒正宗七卷廣吳淑事類賦七十卷子炤字燭九先是以甲有輿地之書未成炤本其意東起遼陽西抵嘉峪北起雲中南極滇以都省分帙為方輿槩十五卷又席帽山人 四卷見聞餘識二卷

見江都縣志暨方輿槩自序

蔣易字子久江都瓜洲人少

諸生即棄去家故饒有

洲田數十頃埒於江遂致窮餓意泊如也為詩不取時好五言律尤勁健得少陵風格晚年無子家益窘賣畫自給人得其寫生一二筆爭以為寶焉有石問集江都縣志張大來本名文泰後改名猶龍字凌然居江都之張家岸慷慨有大志蒐討天文地理兵法樂律陰陽刑名以及二氏下至青鳥氏李虛中秦越人之書無弗通曉明末金陵失政高傑將兵江北日屠戮百姓剜耳目斷手足質小兒槩上以戲所至為墟大來率鄉人守禦傑遊兵掠張家岸不得遂所欲大來以大義責傑傑為引去

遷曹王廟再遷張綱鎮與騷人墨士酒徒賣藥翁相徵  
逐一切兵律治世之書束藏之間以醫方濟人或為人

卜休咎輒奇中年六十而終

陳霆發何有軒集

徐石麒字又陵甘泉人父心繹字純之從陳履祥授王  
艮之學兄宗麟字蕙菴明崇禎十三年武進士官杭州  
遊擊擢十六關副將國變後跨驢攜酒於西湖之上久  
之歸隱北湖屢徵不起石麒承父教精研名理好著書  
尤精詞曲入白仁甫關漢卿之室王阮亭司李揚州招  
致境中名士高人吳嘉紀召潛宗元鼎皆為所網羅而  
石麒獨不往見與兄子元美女元端家庭倡和所著書

其有者有枕函待問編五卷趨庭訓述四卷客齋餘話  
丘卷訂正詞韻四卷蝸亭雜訂十卷壺天暇筆十卷壺  
天續筆十一卷壺天肆筆十卷古今青白眼三卷花傭  
月令一卷三憶草四卷白石篇一卷坦菴瑣錄四卷瓊  
吟四卷且謠一卷忝香集三卷元端字延香十三能詩  
性慧通音律石麒度曲對女歌之有不合輒為正拍王  
阮亭稱其詞有入李易安之室者著詩餘繡閒集一卷  
新增案舊志誤作徐石麟入於明又稱其著天  
人升降圖說此特坦菴瑣錄中之一篇附辨於此  
范荃本名恒美字德一甘泉人慕其先文穆公之詩詞  
亦號石湖幼年不善生計有急難告者不辨真偽傾囊

助之家遂貧去爲童子師環堵蕭然嘯歌自適奉老母  
僅供菽水有偕隱之志婦爲王方岐之弟子椎髻大布  
相從而隱人謂有梁孟風與徐石麒麟煜以詞相倡和  
爲北湖三詞家時有勸其應試者以書答曰閉門靜坐  
啜茗聽鷓與二三童子周旋外或沈酣史籍上下今古  
或商榷風雅考訂譌僞興之所至筆墨淋漓五字刻成  
千古立就真不知天高地厚樂境無窮安往而不得其  
爲我者何暇僕僕向海陵道上作旅人耶自撰盟鷗野  
老傳繫之以贊云一畝之宮能不我容十笏之室能不  
我卽惟不容斯無營惟不卽斯自得戴高履厚不跼不  
踰履道坦坦無反無側雖不敢謂

**盛**

世之逸民亦庶幾乎徐孺子之自食其力年七十二而  
歿自題墓石曰今之石湖所著有讀史小識二卷竹隱  
居隨筆二卷文集四卷詩集五卷梅花詩一卷論語詩  
一卷其詞有春雨詞一卷秋吟一卷秋花雜詠一卷柳  
塘寤語一卷今之石湖詞一卷又劉隨州詩評一卷范  
氏家乘若干卷荃以文學教授生徒四方之士爭以出  
其門爲榮見石湖文集暨郭嗣齡畫像記揚州之文  
開於郭氏郭氏之學受之於荃百數十年來  
文學甲於他郡荃實啟之荃不以文名遂無復知有荃  
者歿後遺書存於外孫蘇謙家謙歿存於簡氏簡旣微  
城南陳素村收之

重刊... 卷之五十三  
吳嘉紀字賓賢一字野人泰州人家安豐場之東洵名  
所居曰陋軒家貧雖豐年常乏食以歌詩自娛樂其為  
詩工為嚴冷危苦之詞所撰今樂府尤淒急幽奧皆變  
通陳迹自為一宗近代巖栖之作鮮有過之者久稍稍  
流傳於時為周櫟園王阮亭所知兩公官省郡馳使三  
百里強致之年六十八而卒所著陋軒詩六卷時東洵  
有戴勝徵者字岳子愛遊白嶽以舟載其石至東洵因  
號石桴與嘉紀同歌嘯於寒蘆野水間其詩清冷古淡  
甚於嘉紀著有石桴詩鈔二卷見居易錄暨百尺梧  
桐閣集淮海英靈集  
余元甲字葭白江都諸生少饒於財遇人危難不惜出  
千金救之遂自卽於貧恥以窮困干故人唯肆力於詩

簡古淡泊宗韓孟參以皮陸雍正十二年趙通政之垣  
以博學宏詞薦堅謝不就著有餘雪堂詩集歿後嘉興  
蔣德選其詩九十六首為余先生詩鈔一卷見江都縣  
志暨淮海

英靈集  
以上隱逸

陳

謝哲字穎豫陳郡陽夏人也祖肅梁司徒父諱梁右光  
祿大夫哲美風儀舉止醞藉而襟情豁然為士君子所  
重起家梁秘書郎累遷廣陵太守侯景之亂以母老因  
寓居廣陵高祖自京口渡江應接郭元建哲乃委質深

被敬重高祖爲徐州刺史表哲爲長史荊州陷高祖使  
哲奉表於晉安王勸進敬帝承制徵爲給事黃門侍郎  
領步兵校尉貞陽侯僭位以哲爲通直散騎常侍侍東  
官敬帝卽位遷長□侍中高祖受命遷都官尚書豫州  
大中正吏部尚書出爲明威將軍晉陵太守入爲中書  
令世祖嗣位爲太子詹事出爲明威將軍衡陽內史秩  
中二千石遷長沙太守將軍加秩如故還除散騎常侍  
中書令廢帝卽位以本官領前將軍高宗爲錄尚書引  
爲侍中仁威將軍司徒左長史未拜光大元年卒時年  
五十九贈侍中中書監謚康子

陳書二  
十一

唐

馬懷素字惟白潤州丹徒人客江都少師事李善貧無  
資晝樵夜輒然以讀書遂博通經史擢進士第又中文  
學優贍科補郿尉積勞遷左臺監察御史長安中大夫  
魏元忠爲張易之構謫嶺表太僕崔貞慎祖道易之怒  
使人上急變告貞慎等與元忠謀反武后詔懷素按之  
懷素執不從曰貞慎餞流人當得罪以爲謀反則非旣  
付臣按狀惟知守陛下法耳后意解乃免宰相李迥藉  
易之勢斂賊翫法劾罷之轉禮部員外郎以十道使黜  
陟江西處決平恕遷考功權貴謁請不阿擢中書舍人

內供奉開元初為戶部侍郎封常山縣公元宗詔與褚  
無量同為侍讀句校祕書懷素建白願下紫微黃門召  
宿學巨儒就校繆缺又言自齊以前舊籍王儉七志已  
詳請采近書篇目及前志遺者續儉志以藏祕府詔可

即拜懷素祕書監會卒贈潤州刺史諡曰文

唐書一百九十九

竇常字中行京兆人大厯間及進士第隱居廣陵之柳

楊著書二十年不出後淮南節度杜佑辟為參謀元和

間自湖南判官入為侍御史轉水部員外郎出刺朗州

固陵潯陽臨川四郡入為國子祭酒致仕卒贈越州部

督弟牟羣庠鞏皆工詞章時號五竇有集十八卷全唐詩小

辛讜太原尹雲京孫性慷慨重然諾專務賑人之急咸

通十年龐勛亂徐泗杜悛守泗州賊極力攻之時讜寓

居廣陵趨泗口貫城柵入城見悛悛素聞有義而不相

面喜讜至曰吾無憂矣時賊三面攻城王師結壘於洪

源驛相顧不前讜夜以小舟穿賊壘至洪源驛見監軍

郭厚本論宜速救厚本然之淮南都將王公弁謂厚本

曰賊眾我寡無宜輕舉讜拔劍瞋目謂公弁曰賊百道

攻城陷在旦夕公等奉詔赴援而逗遛不進更欲何為

即欲揮刃向公弁厚本持之讜望泗州大哭帳下為之

重刊揚州府志 卷之五十三  
流涕厚本義其心選用士隨讜入泗夜半斬賊柵大呼  
由水門入賊軍駭退人心遂固淮南大將李湘率師五  
千來援賊詐降敗於淮口湘與郭厚本皆為賊所執自  
是無援賊併兵急攻以鐵鎖斷淮流梯衝雲合凡周七  
月晝夜不息賴讜犯難仗義求救淮北諸軍既而馬舉  
以大軍至賊解圍去讜無子猶子山僧元老等寄在廣  
陵每出城則書二姓名謂怡曰志之得嗣為幸怡益感  
之賊平授泗州團練判官侍御史怡遷鄭滑節度讜亦  
從之為賓佐怡卒乃歸江東以隱居為事舊唐書一百三十七  
張南史字季直幽州人好奕棋其後折節讀書與大庾  
諸才子友善以試參軍避亂居揚州再召未赴而卒有

集一卷全唐詩小傳

五代

游簡言字敏中吳知制誥恭之子恭卒於任簡言因僦  
居廣陵少孤力學起家秘書省正字以薦入烈祖幕府  
烈祖鎮金陵署戶曹參軍典元帥府書檄稍遷觀察推  
官齊國建職內史舍人一時典冊皆出其手烈祖代吳  
擢翰林學士元宗立晉禮部侍郎獨不附權要國家事  
非其任者未嘗肯言元宗雅重其為人命判中書省兼  
吏兵二部選事裁抑僥倖及淮南交兵吳越亦伺釁攻



常州執團練使趙仁澤方議遣使詰責羣臣畏懾莫敢往元宗乃命簡言簡言不辭請其子恣爲千牛備身將發拜中書侍郎未出境名還及還南都立吳王爲太子留都建國命簡言爲輔力辭元宗嘉其一心事主無微後福意後主亦由是賢之拜吏部尚書親治簿書督責嚴峻人或以事請託必固違拂拜左僕射兼門下侍郎同平章事卒年五十六諡宣靖十國春秋二十一

宋

呂希哲字原明少從焦千之孫復石介胡瑗學復從程顥程頤張載游聞見益廣以廕入官王安石將寘其子勇於講官以希哲有賢名欲先用之希哲辭曰辱公相知久萬一從仕將不免異同則疇昔相與之意盡矣安石乃止久乃判登聞鼓院力辭終公著喪始爲兵部員外郎范祖禹其妹婿也言於哲宗曰希哲經術操行宜備勸講其父常稱爲不欺暗室臣以婦兄之故不敢稱薦今方將引去竊謂無嫌詔以爲崇政殿說書擢右司諫遭崇寧黨禍奪職知相州徙邢州罷爲宮祠羈萬淮泗間十餘年卒宋史九十五 嘉靖志云希哲居真揚間衣食不給處之晏然坐一室家事一切不問不以毫髮事託州縣嘗作詩曰除卻借書沽酒外更無一事擾公私爲人樂易簡儉遠近皆師尊之孫侔字少述與王安石曾鞏遊名傾一時早孤事母盡

孝志於祿養故屢舉進士及母病革誓終身不求仕客  
居江淮間士大夫敬畏之劉敞知揚州言其孝弟忠信  
足以扶世矯俗詔以為揚州教授辭英宗時沈邁及王  
陶韓維連薦之授忠武軍推官常州判官皆不赴少與  
王安石友善安石為相過真州與相見俸待之如布衣  
交初王回王令常秩與俸皆有盛名回令不壽秩為隱  
不竟唯俸以不仕始終宋史二百十七 嘉靖志云俸  
四歲從母胡氏家揚州自傷其  
孤悲泣方學七歲能屬文既長讀書能得聖人深意多  
所論議詩文嚴勁一出於正如其人後客居吳門徙吳  
興丹陽又徙真州閉門讀書鼓琴自娛未嘗傳經教授  
而學者聞其風旨多所開悟志節剛果不為矯激之行  
而氣貌足以動人

俞紫芝字秀老金華人寓京揚州少有高行不娶好浮

屠學工為詩王安石居鍾山紫芝數從之游尤愛重之

與弟清老俱為黃庭堅友庭堅所書釣魚船上謝三郎

一帖刻石金山寺即紫芝詞也雍正

陳次升字當時興化仙遊人第進士知安邱縣薦為監

察御史哲宗立使察訪江湖提點淮南河東刑獄紹聖

中復為御史論章惇蔡卞植黨為姦又論卞客周種貪

鄙鄭居中儉佞由是惇卞交惡之使所善少卿林顏致

已意嘗以美官次升曰吾知守官而已君為天子卿士

而為宰相傳風旨耶惇卞益不樂誣謫監全州酒稅徽

宗立召為侍御史極論惇卞蔡京曾布之惡遷右諫議大夫獻體道稽古修身仁民崇儉節用六事言多規切崇寧初以寶文閣待制知潁昌府降集賢殿修撰繼又落修撰徙建昌編管循州皆以論京卞故用赦恩復舊職卒年七十六宋史一百五 嘉靖志云次升於宣和元年卒於真州私第

林彖字商卿仙遊人幼孤隨母鞠於舅陳次升家得盡讀六經百氏之書多聞元祐名臣出處大節與宋累朝典故後遷居真州又事劉安世任伯雨陳瓘諸公所得益加於前紹興初簽書樞密院徐俯以禮延致不肯往奉母歸閩菽水盡歡乾道四年詔特賜進士出身添差

興化軍教授未一考而卒

雍正志

曾孝序字逢源泉州晉江人以廕補將作監主簿監泰州海安鹽倉因家焉累官至環慶路經略安撫使過闕與蔡京論講議司事曰天下之財貴於流通取民膏血以聚京師恐非太平法京銜之時京方行結糴表糴之法盡括民財充數孝序上疏曰民力殫矣民為邦本一有逃移誰與守邦京益怒遣御史宋聖寵劾其私事追逮其家人鍛鍊無所得但言約日出師幾悞軍期削籍竄嶺表遇赦量移永州京罷相授顯謨閣待制知潭州復以論搖事與吳居厚不合落職知袁州尋復職再知

潭州道州瑤人叛乘高恃險機毒矢下石官軍不得前於兩山間仆巨木橫累以守孝序夜遣驍銳攀援而上以大兵繼進破平之進顯謨閣直學士遷龍圖閣直學士知青州繕修城池訓練士卒儲峙金穀有數年之備金人不敢犯高宗卽位遷徽猷閣學士升延康殿學士召赴行在旣而青州民詣南都借留許之先是臨朐土兵趙晟聚眾爲亂孝序付將官王定兵千人捕之失利而歸孝序責以力戰自贖定乃以言撼敗卒奪門斬關入孝序出據廳事瞋目罵之遂與其子宣教郎訐皆遇害年七十九諡威愍

宋史一百一十二

王鞏字定國莘縣人爲揚州通判因居高郵以詩酒自娛從蘇軾游軾守徐鞏往訪之與客游泗水登懸山吹笛飲酒乘月而歸軾觴之於黃樓上謂鞏曰李太白死世無此樂三百年矣軾得罪鞏亦坐謫監濱州鹽稅在濱窮經著書豪氣不少挫罷還注論語十卷上之朝

正雍

志

趙訓之字海道秦悼王五世孫父叔侯官至惠州防禦使訓之登政和二年進士調東平儀曹知平江府吳縣朱勔怙勢役州縣訓之不爲屈勔嘗執數輩詣縣請治訓之悉縱之忤勔遂移宗去宣和末盜起河北訓之屢

與人言契丹舊盟未可渝金人新好未可恃未幾金人  
 犯京師訓之居揚州率大姓募士勤王聞都城失守乃  
 止建炎二年知吉州永豐縣孟太后避地虔州護衛統  
 制杜彥與其麾下判後軍楊世雄應之將犯永豐訓之  
 與尉陳自仁簡兵分爲二一取間道遶賊後一據地利  
 匿其精兵以誘賊賊至伏發殲其眾會賊別校繼上官  
 兵未成列訓之率數十輩拒戰厲聲罵賊與自仁俱被  
 害事聞詔贈朝散郎直秘閣諡忠果

宋史一百一

蘇紳字儀甫泉州晉江人進士及第歷宜復安三州推  
 官改大理寺丞母喪寓揚州州將盛度以文學自負見

其文大驚自以爲不及由是知名再遷太常博士舉賢  
 良方正科擢尚書祠部員外郎通判洪州徙揚州歸上  
 十議進直史館爲開封府推官三司鹽鐵判官時眾星  
 西流并代地大震方春而雷詔求直言紳上疏言時事  
 安化蠻蒙光月率眾寇宜州敗官軍紳上言朝廷用其  
 策蠻遂平又陳便宜八事帝嘉納之進史館修撰擢知  
 制誥入翰林爲學士累官侍讀學士集賢殿修撰知河  
 陽徙河中卒

宋史二百九十四

孫正臣邵武人以字行登進士第歷官至朝奉大夫直  
 龍圖閣卜居高郵平居恂恂似不能言及坐堂皇胥吏

紛沓持牒進正臣使各盡其意徐以片言折之羣吏結舌不敢出息退而相語曰公神明也不可欺後卒葬高

郵楊時為之銘嘉靖志

石丕字彥成光州固始人少舉進士自綿州鹽泉尉歷

官朝議大夫知太平州諳練邊事所莅州郡儻禦修舉

深為朝廷所知累贈至特進徙居楊子卒葬真州石家

山雍正志

石懺字元飭丕子侍其父久居邊州洞知軍政以論邊

事稱上旨凡五歷部使者三守藩郡所至懷畏官至中

奉大夫知解州視政閱月遂解印綬歸元豐間護其母

高夫人柩於真州資福寺寺遭焚倉卒不能舉懺以身

覆之寺無子遺夫人殯室如故雍正志

案舊志載文天祥傳考天祥居真州三日輒去詳見

事略不得謂之流寓今不載

元

郝經字伯常其先潞州人徙澤州之陵川金末父思溫

避地河南之魯山金亡徙順天為守帥張柔賈輔所知

延為上客二家藏書皆萬卷經博覽無不通憲宗二年

世祖以皇弟召經諮以經國安民之道遂留王府是時

連兵於宋經進七道議七千餘言會宋守帥賈似道亦

遣間使請和乃班師明年世祖卽位以經爲翰林侍讀  
學士佩金虎符充國信使使宋告卽位且定和議仍敕  
沿邊諸將毋抄掠經入辭詔曰朕初卽位庶事草創卿  
當遠行凡可輔朕者亟以聞經奏便宜十六事皆立政  
大要平章王文統忌之旣行文統陰屬李璫潛師侵宋  
欲假手害經賈似道方以卻敵爲功恐經至謀泄館經  
眞州經上表於宋主曰願附魯連之義排難解紛豈知  
唐儉之徒款兵誤國又數上書宋主及宰執極陳戰和  
利害且請入見及歸國皆不報驛吏棘垣鑰戶晝夜守  
邏欲以動經經不屈丞相伯顏南伐帝遣問執行人之  
罪宋懼以禮送經歸道病明年夏至闕錫燕大廷咨以  
政事賞賚有加秋七月卒年五十三官爲護喪還葬諡  
文忠明年宋平經尚氣節爲學務有用及被留思託言  
垂後撰續後漢書易春秋外傳太極演原古錄通鑑書  
法玉衡貞觀等書及文集數百卷其文豐蔚豪宕善議  
論詩多奇崛拘宋十六年從者皆通於學經還之後汴  
民射鴈金明池得鴈足繫帛詩云霜落風高恣所如歸  
期回首是春初上林天予援弓繳窮海曩臣有帛書後  
題至元五年九月一日放鴈獲者勿殺國信大使郝經  
書於眞州忠勇軍營新館其忠誠如此

元史四十四

張璽字達善其先蜀導江人僑寓江左聞金華王柏講道於台璽往從之自六經語孟及周程張朱之言靡不究極至元間中州士大夫從之游以薦授建康路教授改孔顏孟三氏教授乃爲制籩豆更定祭儀申正顏孟配位秩滿鄆城士迎之留四年有以國子監官薦者引疾不赴家於儀真依宣慰珊竹介以處遠近翁然宗之稱曰導江先生所著甚富卒葬楊子蜀岡至正中眞州守臣以璽及郝經吳澄皆嘗留眞州作三賢祠祀之正

志

吳澄字幼清撫州崇仁人用力聖賢之學嘗舉進士不中侍御史程鉅夫奉詔求賢江南起澄至京師以母老辭歸既入朝薦有道擢應奉翰林文字有司敦勸久之乃至而代者已到官澄即日南歸未幾除江西儒學副提舉居三月以疾去官至大元年召爲國子監丞先是許文正公衡爲祭酒始以朱子小學等書授弟子久之漸失其舊澄至旦燃燭堂上諸生以次受業日昃退燕居之室執經問難者接踵而至澄各因其材質反覆訓誘之每至夜分雖寒暑不易也皇慶元年陞司業用程純公學校奏疏胡文定公六學教法朱文公學校貢舉私議約之爲教法四條一曰經學二曰行實三曰文藝



四曰治事未及行又嘗爲學者言朱子於道問學之功居多而陸子靜以尊德性爲主問學不本於德性則其敝必偏於言語訓釋之末故學必以德性爲本庶幾得之議者遂以澄爲陸氏之學非許氏尊信朱子本意然亦莫知朱陸之爲何如也澄一夕謝去諸生有不謁告而從之南者俄拜集賢直學士特授奉議大夫俾乘驛至京師次真州疾作不果行英宗卽位超遷翰林學士進階太中大夫移疾不出登舟去天祿三年朝廷以澄耆老特命次子京爲撫州教授以便奉養明年六月得疾有大星墜其舍東北澄卒年八十五贈江西行省左

丞上護軍追封臨川郡公諡文正

元史五十八

珊竹介字仲清中統間歷官江東宣慰司以目疾去官家於真州嘗延三學教授張盪國子監丞吳澄爲諸子師朝夕講論遂有所得篤行於家至大元年疾作隱几諸子跪受其言遂絕明日復蘇置酒高會以勞唁者又二年預爲兆蜀岡營葬如朱子家禮疾篤摩妻妾環侍者出日男子不死婦人之手遂卒葬義城里

儀徵縣志

蘇大年真定人年十五遊學廣陵因家焉文辭翰墨皆

絕出時輩而不受辟舉至正間上書於朝官以編修平

生著述甚多自號西坡又號林屋洞主

雍正志

張緝字士明益都膠州人至正七年領鄉薦由澤州儒學正轉泰州幕職棄之養親居揚州十五年揚州亂緝母姬氏方臥病賊突入臥內舉槍欲刺姬緝以身蔽姬槍中緝脇三日而死元史八十五

張翥字仲舉晉寧人少負才雋豪放不羈一旦翻然易業閉門讀書以詩文知名薄遊維揚居久之學者及門甚眾至正末傅岩起薦翥隱逸召為國子助教尋退居淮東會朝廷修遼金宋三史起為翰林學士國子院編修仕至河南行省平章政事仍翰林學士承旨致仕卒年八十二甘泉縣志

李茂大名人徙家揚州父興壽臨卒語茂曰吾病且死爾善事母茂泣受命奉母孟氏益謹母嘗病目失明茂禱於泰山三年復明又每夕祝天乞損已年益母壽孟氏竟年八十四而歿居喪哀慟聞者傷之大德九年揚州再火延燒千餘家及茂廬皆風返而滅事聞旌之元史

八十

王安義開封人楊達彰德人俱世役鎮南王藩邸寓居揚州張鑑陷揚逐鎮南王北行二人赴難至新城弔橋遇關吉二劫盜達被執安義獨詣求解並執之欲殺二人二人爭死久之關之妻強為勸救遂俱得釋甘泉縣志

明

楊訓文字克明潼川人元淮海書院山長遇亂遂居江都吳元年徵為起居注兩遷左司郎中洪武三年官禮部尚書四年改戶部出參政河南五年卒

甘泉縣志

單安仁字德夫濠人少為府吏元末江淮兵亂安仁招集義兵保鄉曲授樞密判官守揚州聞太祖定集慶率眾歸附太祖命守常州累擢工部尚書改兵部請老歸賜田二千畝牛七十角給半俸家居嘗奏請濬儀徵南壩至朴樹灣以便官民輸輓疏轉運河江都深港以防淤淺移瓜洲倉廩置楊子橋西以免風潮之患帝善其

言再擢兵部致仕年八十五卒

明史一百二十八卷

曹名臣錄云安仁致仕卜居儀徵之珠金沙結廬以居

高宗本字茂卿其先直隸雄縣人洪武初自鳳陽占籍太倉之鎮海衛登景泰五年進士授南京御史巡視中都倉糧廉武弁強悍侵漁官廩者寘之法清理四川軍伍摘其匿漏者四千六百有奇監軍討賊暨整飭三邊軍務劾將軍李果行師不律以勞績陞河南按察副使獄多平反尋以老家於江都自號江淮逸叟郡大夫延修惟揚新志自著有復齋稿江淮雜稿卒葬揚州

嘉靖志

練宣童字復全江西新淦人建文時兵部尚書子寧次

子當子寧抗節被戮時其長子成經同死宣童逃至秦州梁梁場隱姓名以傭保終其身子孫遂世爲秦州人

雍正志

王璠字廷瑞陝西人成化十年進士累官山西布政使參議時劉瑾專橫縉紳喪氣璠性耿介不能屈因罷職僑居江都子延祀知單縣未幾亦致政還父子俱有廉

吏名

萬縣志

張齊字聖甫陝西長安人原籍興化進士除真定府推官以治行卓茂召爲戶科給事中陞光祿寺丞會大學士高拱罷論者以齊爲拱所取士併放還齊復家揚州

晚究內典習爲詩歌書法喜趙孟頫得其梗槩爲園城西雜蒔花竹與名流談藝竟日不倦後日貧去華就樸

處之怡然

雍正志

何城字叔防陝西榆林人隨父家江都嘉靖十年進士改庶吉士授刑部主事時外戚張鶴齡延齡以罪下吏城坐寬假謫安州同知安居衛河下流歲恒苦水田不登城白當道築隄防之是後數有年號曰何公隄移徽州同知擢工部郎中方士陶仲文被幸其徒多不法城劾之皆遠戍出知武昌府楚世子英耀以上元夜弒其王城聞變趨白都御史世子知事露與所幸甘玉海謀

爲叛城飛書白巡按御史先擒玉海杖殺之散其護衛  
世子竟抵法并戮其黨陞山西按察副使分巡冀南道  
投効歸江都會倭寇師尚詔倡亂河南城創議築揚州  
外城時多迂之未幾倭犯揚州城外蕩然煨燼於是始  
議興築工甫畢倭再至輒望城引去民以安堵皆城力  
也城少從鄉人呂柵學白首不衰著有餘白編雀桁詠  
諸集雍正志

何堅字叔節城之弟嘉靖十九年舉於鄉授臨江府通  
判歸峽江篆縣稱治遷潘府審理請老歸著書自娛有  
律呂書漕渠七議當時多采用之始與兄城師事關中

呂柵俱力持師說以破羣議世稱體道信義者必曰何  
叔節云雍正志

馬豸字伯直大同人父兄商廣陵遂家焉豸以嘉靖二  
十一年中山西鄉試授薊州知州州迫輦下役重民罷  
豸善拊循之陞鎮江同知署丹陽篆丹陽故有馬嘶港  
溉田數千頃久淤豪民多廬其上民數請濬復爲築點  
者所梗豸力疏之三月功成民大稱便累遷河南按察  
司僉事備兵廬鳳相視河道知黃河勢必南徙條上防  
濬事宜丁內艱還廣陵服未闋卒雍正志

羅汝芳字維德南城人嘉靖三十二年進士除太湖知

縣召諸生論學公事多決於講座遷刑部主事歷寧國知府民兄弟爭產汝芳對之泣民亦泣訟乃已擢開元會罪囚亦令聽講父艱服闋起補東昌移雲南屯田副使進參政分守永昌坐事為言官論罷初汝芳從新安顏鈞講學後鈞繫南京獄當死汝芳供養獄中鬻產救之得減汝芳既罷官鈞亦赦歸汝芳事之飲食必躬進人以為難鈞詭怪猖狂其學歸釋氏故汝芳之學亦近

釋見明史二百八十三王畿傳 康熙志云汝芳客居廣陵學者稱為近溪先生

鄒應龍字雲卿長安人嘉靖三十五年進士授行人擢御史嚴嵩擅政久廷臣攻之者輒得禍相戒莫敢言而

應龍知帝眷已潛移其子世蕃益貪縱可攻而去也乃上疏遂勒嵩致仕下世蕃等詔獄隆慶初以副都御史總理江西江南鹽屯遷工部右侍郎鎮守雲南黔國公沐朝弼驕恣廷議遣大臣有威望者鎮之乃改應龍兵部侍郎兼右僉都御史巡撫雲南至則發朝弼罪朝弼竟被逮萬麻改元鐵索箐賊作亂討平之已番人梅發反合土漢兵進討斬獲各千餘人應龍有才氣初以劾嚴嵩得名驟致通顯及為太常省牲北郊東廠太監馮保傳呼至尊者引入正面蕪香儼若天子應龍大駭劾保僭肆保深銜之至是京察自陳保修郤令致仕臨安

上官普崇明崇新兄弟構爭崇明引廣南儂兵爲助崇  
新則召交兵已交兵退儂兵尚留應龍命部將楊守廉  
往勦守廉掠村聚殺人儂賊乘之再敗官軍人以咎應  
龍應龍聞罷官不俟代徑歸代者王凝欲自以爲功力  
排應龍給事中裴應章遂劾應龍債事巡按御史郭廷  
梧雅不善應龍勘如疑言應龍遂削籍卒於家十六年  
陝西巡撫王璇言應龍歿後遺田不及數畝遺址不過  
數楹卹典未被朝野所恨帝命復應龍官予祭葬

明史二百

鄒元標字爾瞻吉水人九歲通五經舉萬曆五年進士

觀政刑部張居正奪情元標抗疏切諫廷杖八十謫戍  
都勻居六年召拜吏科給事中首陳培聖德親臣工肅  
憲紀崇儒行飭撫臣五事尋劾罷禮部尚書徐學謨南  
京戶部尚書張士佩慈寧宮災元標復上時政六事中  
言臣曩進無欲之訓陛下試自省果無欲耶寡欲耶帝  
謂元標刺已怒甚謫南京刑部照磨歷轉刑部郎中母  
憂里居從學者日衆名高天下中外疏薦遺佚凡數十  
百上莫不以元標爲首卒不用家居垂三十年光宗立  
召拜大理寺卿未至進刑部右侍郎天啟元年還朝首  
進和衷之說復陳拔茅闡幽理財振武數事及保泰四

規初元標立朝方嚴晚節務爲和易或譏其遜初仕時  
元標笑曰大臣與言官異風裁蹕絕言官事也大臣非  
大利害卽當護持國體可如少年悻動耶累拜左都御  
史與馮從吾建首善書院同志講學朱童蒙首請禁之  
元標疏辨求去帝已慰留郭允厚復疏劾語尤妄誕而  
魏忠賢方竊柄傳旨謂宋室之亡由於講學將加嚴譴  
葉向高力辨乃得溫旨元標連疏請益力陛辭上老臣  
去國情深疏四年卒於家崇禎初贈太子太保吏部尚  
書諡忠介

明史二百四十三 雍正志云元標僑居儀  
徵之五壩與邑孝廉林之翰立講壇於信國

何士晉字武莪宜與人父其孝得士晉晚族子利其資  
結黨致之死繼母吳氏匿士晉外家讀書稍懈母輒示  
以父血衣士晉感厲與人言未嘗有笑容萬曆二十六  
年舉進士持血衣愬之官罪人皆抵法初授寧波推官  
擢工科給事中首疏請通章奏緩聚斂無何劾左都督  
王之禎久掌錦衣爲內閣爪牙中樞心腹又劾大學士  
王<sub>勳</sub>爵逢君賊善召命宜停戶部尚書趙世卿誤國無  
大臣體已復言朝端大政宜及今早行者在放輔臣以  
清政地罷大臣被論者以伸公議斥王之禎以絕禍源  
釋卞孔時王邦才等以蘇寃獄初皇長孫生有詔起廢



列上一二百餘人閱三年止用顧憲成等四人士晉請大起廢籍瑞王將婚詔典禮視福王費當十九萬初帝弟潞王婚費不及其半士晉請視潞王帝將崇奉太后詔建靈應宮士晉以非禮力爭帝皆不省未幾有張差梃擊之事王之宋鈎得差供帝遷延不決士晉三上疏趣之當是時變起非常中外咸疑謀出鄭國泰然無敢直犯其鋒者郎中陸大受稍及之國泰大懼急出揭自明人言益籍籍士晉乃抗疏帝大怒出爲浙江僉事之官四年移廣西參議光宗立擢尚寶少卿遷太僕天啟二年以右僉都御史巡撫廣西安南入犯督將吏屢擊卻之四年擢兵部右侍郎總督兩廣軍務兼巡撫廣東明年四月魏忠賢大熾爭梃擊者率獲罪御史田景新希旨誣叛臣安邦彥賄士晉十萬金阻援兵遂除士晉名徵賄助餉士晉憤鬱而卒有司徵賊急家人但輸數百金產已罄會莊烈帝立獲免復官賜恤

明史二百三十五 雍正志云

萬厯末寓居儀徵

費經虞字仲若四川新繁人弱冠肆力經史崇禎十二年舉鄉試授雲南昆明縣土司吾必奎作亂黔國公討之俘三百餘人將盡戮焉臺使者檄經虞審理以脇從之民請盡釋之進官同知遂乞休歸蜀遇亂間道走秦

流寓於揚經虞自以不得養親為恨每忌辰哭泣終日  
至七十猶然卒於江都所著有毛詩廣義二十卷四書  
字義一卷雅倫三十卷臨池懿訓三卷注周易參同契

三卷 江都縣志

梁以樟字公狄直隸清苑人崇禎十二年舉鄉試第一  
聯捷進士為文雄渾浩博卓然大家甲申以後與兄以  
柵浮家於南寓居寶應絕意仕進著書以老時人高其  
義 康熙志

國朝

趙開心字洞門湖南長沙人明崇禎八年進士入

本朝官至工部尚書解組後僑居江都與人交披肝露膈  
有公事輒首任之未嘗以寓公自諉也卒

賜祭葬 江都縣志

呂潛字半隱四川遂寧人崇禎十六年進士值蜀亂播  
遷四方澹於仕進後偕其弟澈僑居泰州工詩文書畫  
人得其尺幅皆珍之嘗游宮氏春雨草堂與姜垓梁以  
樟酬倡極多 泰州志

張恂字穉恭陝西涇陽人明崇禎十六年進士工詩古  
文又善畫居江都最久與之遊者多喜其樂易而揮毫  
潑墨縑素淋漓故家笥篋中多珍藏之 康熙志

紀映鍾字伯紫一字彙子金陵人少為諸生甲申後遂棄帖括善詩古文詞工書知名海內所至爭折節延致與龔尚書鼎孳尤善為人清慎望之岸峭巖立即之殊藹然平生重友誼推引排解周旋不倦晚厭白門之喧

卜廬儀徵以卒

儀徵縣志

孫枝蔚字豹文陝西三原人幼為諸生遭流寇與其鄉少年奮戈逐賊落深墜得不死乃走江都從賈人遊累致千金散之既而閉戶讀經史肆力詩古文名噪海內康熙十八年以博學宏詞徵授中書著有漑堂前後續

集

江都縣志

生一貧如洗晚年益刊落枝葉所得粹然卒於江都著

有蓮花莊集四卷

鮑崎亭集

厲鶚字太鴻浙江錢塘人康熙間舉人少孤家貧讀書數年學為詩有佳句是後於書無所不窺所得皆用之於詩其擅長尤在詞曾受知於李穆堂閣學湯西崖侍郎祁門馬嘯谷兄弟延於館著有宋詩紀事一百卷樊榭山房集二十卷行世又有遼史拾遺十卷同上黃在中字遡從歛之潭渡人寓居揚州少負才氣耽吟咏甫弱冠於二十一史凡三卒業所為古今體詩調高響峭敏捷似温八义卒後稿多散佚僅存雜著一卷詩

四卷家傳


鮑志道字誠一本歙人因理鹺業家於揚性至孝侍父疾五月衣不解帶妻汪亦賢于歸甫三日姑遘疾周旋茵褥左右無方人並稱之志道嘗葺宗祠置田贍族又以鮑氏多孝子建世孝祠而刊其事實歛之紫陽山間兩書院久圯並修復之浚歛之北河修揚郡康山通衢費皆鉅萬先是鹽艘有沈溺者例當補運累或至破家志道倡議一舟溺則眾舟助至今為永利歿祀鄉賢子

四漱芳勳茂敬莊書芸

家傳 漱芳急公好施嘉慶十年洪湖盛漲決下游諸隄捐米

六萬石助賑又蠲薪四百萬斤佐高堰工其行述云當賑畢時已值隆冬而水未涸復慮飢民窮無所歸力請公捐麥四萬石展賑兩月或疑難於購買乃未十日而所糴麥舟銜尾而至人驚為神速又慮飢民露處特以葦席架棚人昇束藁蔽體撤版前一日載十船芋散之俾可支十日糧他若給種貸牛且有為其事而不居其名者郡城東舊有沙河捐金浚之並浚是稻河及儀徵之天池了鹽等河勳茂今官御史

重修揚州府志卷五十三



水不五  
卷之五  
三

三

